

唐伯虎先生外編續刻

唐伯虎先生外編續刻卷之六

吳趨唐 寅伯虎著

同郡何大成君立輯

五言律詩

題張夢晉畫

綠崖入翠微嵐氣濕羅衣
澗水浮花出松雲伴鶴飛
行歌樵互答醉臥客忘歸
安得依書屋開牕碧四圍

桃花庵與祝希哲諸君同賦

茅茨新卜築山木野花中
燕婢泥銜紫徂公果獻紅

梅梢三鼓月柳絮一簾風匡廬與衡岳彷彿夢相通
馬

天上飛龍廐關西犢鼻騶承恩披玉甃弄影浴金沙
舞獻甘泉酒驕噉內苑花丹青流落處駑馬尚堪誇

送行

牢落三杯酒飄飄一葉舟行人還遠路寒色上貂裘
此日傷離別還家足唱酬蕭齋煩掃榻爲我醉眠謀
題畫

鞦韆東城路清和四月時游姬香滿袖明月水平池

畫燭留飴市酸風颭酒旗少年行樂地不許衆人知

題谿山疊翠卷

春林通一徑野色此中分鶴跡松陰見泉聲竹裏聞
草青經宿雨山紫帶斜曛米藥知何處柴門掩白雲

五言排律

賀松郡伯壽誕

傅相騎箕宿申侯降岳神百年生國士一德格天人
君子弘斯道皇皇福下民登庸第高等簡在命來旬
冀北空豪傑江南失屢貧席香留粉署露冕駕朱輪

襦袴今歌惠綵綸待秉鈞初筵稱誕節獻歲發陽春
進酒杯擎玉行厨舖擘麟蕪詞何以祝海底看揚塵

偶成

還丹難煉藥粘日苦無膠沽酒衣頻典催花鼓自敲
功名蝴蝶夢家計鷓鴣巢世事燈前戲人生水上泡

題碧藻軒

畫堂基構畫船通碧水漣漪碧藻叢波弄日光翻上
棟窗含烟景直浮空簾垂菡萏花開上魚戲闌干倒
影中試倩詩人畧評品不妨喚作水晶宮

沈徵德飲予於報恩寺之霞鶯亭酒酣賦贈
水檻馮虛六月風豪英相聚一尊同水光錯落浮瓜
綠日影玲瓏透樹紅謬以上筵尊謾客喜留新契在
禪宮雲衢萬里諸公去馬笠不知何處逢

正德己卯承沈徵德顧學置酌禪寺見招猥

鄙樗酒狼籍作此奉謝

陶公一飯期冥報杜老三杯欲托身今日給孤園共
醉古來文學士皆貧就題律句紀行跡更乞侯鯖賜
美人公道吾痴吾道樂要知朋友要尋真

春日城西

衣試新裁襪試穿闔閭城外暮春天閒書朱墨鄉村
旆互界青黃菜麥田食祿有方生樂土太平無象是
豐年兆民仰賴君王慶難報惟擎額上拳

散步

吳王宮裏柳成畦。齊女門前水拍堤。賣酒當壚人爆
娜。落花流水路東西。平頭衣襪和鞋試。美舌鉤輶繞
樹啼。此是吾生行樂處。若爲詩句不留題。

松陵晚泊

晚泊松陵繫短篷。埠頭燈火集船叢。人行烟靄長橋
上月出。薰葭漫水中。自古三江稱禹跡。波濤五夜起
秋風。鱸魚味美村醪賤。放筯金盤不覺空。

領解後謝主司

壯心未肯逐樵漁。泰運咸思備掃除。劍責百金方折

閱玉遭三黜忽沾諸紅綾敢望明年餅黃絹深慙此
日書三策舉場非古賦上天何以得吹噓

送李尹

征途驅策信良堅祖席驪歌散曉煙花滿邑中無犬
吠塵凝梁上有魚縣每游綠地留詩榜只把清風折
俸錢遺愛在民齊仰望青雲一鶚正喬遷

長洲高明府過訪山莊失于迎迓作此奉謝
重茅小構向城隅杖杜何煩顧道周題鳳在門驚迅
筆驅雞上樹避鳴鷗望塵有失迎車拜掃徑還期下

榻留莫道腐儒貧徹骨濁醪猶可過牆頭

和雪中書懷

窗撲春蛾雪打團杯浮綠蟻酒衝寒挑來野菜和根
煮尋着江梅帶蘚搬暗笑無情牙齒冷熟看人事眼
睛酸筋骸誰健頭顱老脫屣塵埃已不難

壽嚴民望母八十

八旬慈母女中仙九轉丹成妙入玄階暗彩衣娛白
髮月明黃鶴下青天悅縣錦帶遙稱誕酒灑金卮共
祝筵壽筭欲知多少數蟠桃一熟九千年

言懷 二首

田衣稻衲擬終身。彈指流年了四旬。善亦嬾爲何況惡。富非所望不憂貧。山房一局金藤着。野店三杯石凍春。只此便爲吾事辦。半生落魄太平人。

笑舞狂歌五十年。花中行樂月中眠。漫勞海內傳名字。誰論腰間缺酒錢。詩賦自慙稱作者。衆人多道我神仙。些須做得工夫處。莫損心頭一寸天。

別劉伯耕

一別光輝二十年。中間消息兩茫。忽銜敕命來吳

苑過訪貧家值暑天
踏上青雲看鶚舉
杯臨紅燭語蟬連
料知別後應相念
盡贈江東日暮烟

寄郭雲帆

我住蘇州君住杭
蘇杭自古號天堂
東西只隔路三百
日夜那知醉幾場
保叔塔將湖影浸
館娃宮把麝膺香
只消兩地堪行樂
若到它鄉沒主張

雨中小集即事

煙簑風笠走輿臺
邀取羣公赴社來
蕉葉共聽窗下雨
蟹螯分弄手中杯
能容緩頰村夫子
戲謔長眉老

辨才酒散不妨無月色夾堤燈火棹船回

正旦大明殿早朝

繡傘齊擎御道中鳴鞭將下息朝鐘仙班接仗星辰
近法駕臨軒雨露濃百尺呆愚宿威鳳九重閭闔擁
神龍履新萬國朝元日堯德無名祝華封

閶門即事

世間樂土是吳中中有閶門又擅雄翠袖三千樓上
下黃金百萬水西東五更市買何曾絕四遠方言總
不同若使畫師描作畫畫師應道畫難工

檢齋

檢束斯身益最深
檢身還要檢諸心
鞠躬暗室如神在
恭已虛齋儼帝臨
視聽動言皆有法
盃盤几席盡書箴
遙知危坐焚香處
默把精微義理尋

同諸公登金山

山峙清江萬里深
上公乘興命登臨
憑尊指顧分吳楚
滿眼風波自古今
春日客途悲白髮
祇園兵燹廢黃金
日斜未放滄浪渡
飽酌中泠洗宿心

此詩見三山志與前

刻不

兀兀騰騰自咲癡。科名如鬢髮如絲。百年障眼書千
卷。四海資身筆一枝。陌上花開尋舊跡。被中酒醒鍊
新詞。無邊意思悠長處。欲老光陰未老時。

獨宿

白木棲牀厚砌氈。烏綾袂被薄裝綿。無燈不做欺心
夢。有酒何愁縮脚眠。日占千間忙個甚。天明萬事又
相牽。不如自學安身法。便是來叅沒眼禪。

避事

多憑乖巧討便宜。我討便宜便是癡。繫日無繩那得

住待天倚杵是何時隨緣冷煖開懷酒懶筭輸贏信
手棋七尺形骸一丘上任他評論是和非

四十自壽

魚羹道衲水雲身彈指流年到四旬善亦嬾爲何況
惡富非所望豈憂貧山房一局金騰着埜店千杯石
凍春如此福緣消不盡半生無事太平人

又改作

田禾稻衲擬終身彈指流年了四旬善亦嬾爲何況
惡富非所望莫添貧山房一局金騰着野店三杯石

凍春如此福緣消不盡半生落鬼太平人

桃花塢被襖

穀雨芳菲集麗人當筵餽飮一時新轢絃護索僊韶
合拍手搖頭酒令新白日不停簷下轍黃金難鑄鏡
中身莫辭到手金螺滿一咲從來勝是嗔

哭妓徐素

清波雙珮寂無踪情愛悠悠怨恨重殘粉黃生銀撲
面故衣香寄玉開胸月明花向燈前落春盡人從夢
裡逢再托生來儂未老好教相見夢姿容

夜讀

夜來欹枕細思量。獨卧殘燈漏轉長。淡慮鬢毛隨世
白。不知腰帶幾時黃。人言死後還三跳。我要生前做
一場。名不顯時心不朽。再挑燈火看文章。

題輞川

輞川風景更如何。天色秋光趣益多。白日蒼松塵外
想。清風明月醉時歌。林間鹿過雲還合。溪面魚遊水
自波。高隱不求軒冕賚。且將蹤跡寄烟蘿。

姑蘇襍詠

門稱閭闔與天通。臺號姑蘇舊帝宮。銀燭金釵樓上
下。燕檣蜀柁水西東。萬方珍貨街充集。四牡皇華日
會同。獨悵要離一坏土。年年青艸沒城墉。

長洲茂苑古通津。風土清嘉百姓馴。小巷十家三酒
店。豪門五日一嘗新。市河到處堪搖櫓。街巷通宵不
絕人。四百萬糧充歲辦。供輸何處似吳民。

江南人盡似神仙。四季看花過一年。趕早市都清早
起。遊山船直到山邊。貧逢節令皆沽酒。富買時鮮不
論錢。吏部門前石碑上。蘇州兩字指摩穿。

繁華自古說金閨。畧說繁華話便長。百雉高城分亞
字。千年名劔殉吳王。龍蟠左右山無盡。蛇委西東水
更長。北去虎丘南馬澗。笙歌日日載舟航。

社中諸友携酒園中送春

二月盡頭剛立夏。一杯新酒送殘春。共嗟時序隨流
水。況是筋骸欲老人。眼底風波驚不定。江南櫻笋又
嘗新。芳園正在桃花塢。欲伴漁郎去問津。

謁故福建僉憲永錫陳公祠

封章曾把逆鱗批。三逐雖危志不迷。諫草猶餘幾行

墨遺書今掩一箱締常山賸有孤忠氣新廟無慚直
道題私淑高風重拜謁秋林殘日古城西

嘉靖改元元旦作

世運循環世復清物情熙皞物咸亨一人正位山河
定萬國朝元日月明黃道中天華闕迥紫微垂象太
階平區區蜂蟻誠歡喜鼓腹歌謠竟此生

警世 八首

措身物外謝時名着眼閒中看世情人笑不如天笑
巧機心爭似道心平過來昨日疑前世睡起今朝覺

再生說與明人應曉得與愚人說也分明

世事如舟挂短篷或移西岸或移東幾回缺月還圓
月數陣南風又北風歲久人無千日好春淡花有幾
時紅是非入耳君須忍半作癡呆半作聾

但凡行事要知機斟酌高低莫亂爲烏江項羽今何
在赤壁周瑜業更誰贏了我肯何足幸且饒他去不
爲虧世事與人爭不盡還他一忍是便宜

萬事由天莫苦求子孫縣遠福悠悠飲三盃酒休胡
亂得一帆風便可收生事事生何日了害人人害幾

時休冤家宜解不宜結各自回頭看後頭

爲人須是要公平不可胡爲肆不仁難得生居中國
內况兼幸作太平民交朋切莫交無義做鬼須當做
有靈萬類之中人最貴但行好事莫相輕

貪利圖名滿世間不如布衲道人閑籠鷄有食鍋湯
近海鶴無糧天地寬富貴百年難保守輪迴六道易
循環勸君早向生前悟一失人身萬劫難

仁者難逢思有常平居慎勿恃無傷爭先徑地機關
險退後語言滋味長爽口物多終作疾快心事過必

爲殃休言病後能求藥孰若病前能預防
去歲殘花今又開追思年少忽成呆數莖白髮催將
去萬兩黃金買不回有藥駐顏真是妄無繩繫日轉
堪哀此情莫與兒郎說直待兒郎自老來

除夜坐缺蝶齋中

燈火蕭蕭又除盤食艸艸食無魚衰遲日月辭殘
曆憔悴頭顱詠後車一卷文章塵覆瓿兩都踪跡雪
隨驢明朝瞶眼更時事細雨荒雞湯倚廬

唐伯虎先生外編續刻卷之八

吳趨唐 寅伯虎著

同郡何大成君立輯

詞

踏莎行

閨情

可怪春光今年偏早閨中冷落如何好因他一去不
歸來愁時只是吟芳艸○奈爾雙姑隨行隨到其間
况味予知道尋花趁蝶好光陰何須步步回頭笑右春
日色初驕何妨逃暑綠陰庭院荷香渚冰壺玉笋足

追懽還應少箇文章侶○已是無聊不如歸去賞心
樂事常難濟且將杯酒送愁魂明朝再去尋佳處夏
八月中秋涼颼微逗笑容恰是花時候誰家姊妹鬪
新妝園林散步頻攜手○折得花枝寶瓶隨得歸來
賞玩全憑酒三杯酩酊破愁城醒時愁緒應還又秋
寒氣蕭條剛風凜烈薄情何事輕離別經時不去看
梅花牕前一樹通開徹○急喚雙鬟爲儂攀折南枝
欲寄憑誰達對花無語不勝情天邊雁叫添愁絕冬

望湘人

春日花前詠懷

想盤鈴僊偶寒食裹蒸曾嘗少年滋味凍勒花遲香
供酒醒又算一番春計鏡裏光陰尊前明月眼中時
事有許多閒是閒非我說與君君記○道是榮華富
貴恁掀天氣槩雲時搬戲看今古英雄多少葬身無
地名高惹謗功高相忌我且花前沈醉管甚箇兔走
烏飛白髮蒙頭容易

千秋歲引

題古松贈壽

鮮疊蒼鱗蘿纏翠角萬丈髯龍奮騰躍深更抱雲宿
夜澗清朝捧日登秋壑挺風霜傲泉石倚寥廓○下

有茯苓上有鶴守護地丹竈藥粟粒粘唇世緣卻九
時細調白玉髓藏來密鎖黃金橐祝千齡向初度齊
天樂

江南春

次倪元鎮韻

梅子墮花莢孕笋江南山郭朝暉靜殘春鞦韆試東
郊綠池橫浸紅橋影古人行處青苔冷館娃宮鎖西
施井低頭照井脫紗巾驚看白髮已如塵○人命促
光陰急淚痕漬酒青衫濕少年已去追不及仰看烏
沒天凝碧鑄鼎銘鐘封爵邑功名讓與英雄立浮生

聚散是浮萍何須

題鶯鶯小像

二犯水仙花

二闋

題鶯鶯小像

鈴轄風流是阿家滿腔情緒絮如麻西廂赴約月斜
斜○將珮捧趨墻遮半踏裙襜半踏花

又

今日蒲東只暮鴉祇留名字沁人牙千金一刻儻容
餘○殘蠟燭且琵琶休把光陰挫了些

過秦樓

題鶯鶯小像

瀟灑才情風流標格脉脉滿身春倦修薦齋場禁煙

簾箔坐見梨花如霰乘斜月赴佳期燭燼墻陰釵敲
門扇想伉儷鸞鳳萬千顛倒可禁嬌顫○塵世上昨
日朱顏今朝青塚頃刻時移事變秋孃命薄杜牧綠
慳天不與人方便休負良宵大都好景無多光陰如
箭聞道河東普救剎得數間荒殿

畫堂春

簾前兔走逐烏飛又驚綠暗紅稀養蚕眠足插秧齊
多半春歸○賴是花能送酒最愁雨要催詩儻教玉
勒賞花期擽踏香泥

一剪梅 二闕

紅滿苔堦綠滿枝杜宇聲歸杜宇聲悲交歡未久又
分離彩鳳孤飛彩鳳孤棲○別後相思是幾時後會
難知後會難期此情何以表相思一首情詞一首情
詩

又

雨打梨花深閉門辜負青春虛負青春賞心樂事共
誰論花下銷魂月下銷魂○愁聚眉峯盡日顰千點
啼痕萬點啼痕曉看天色暮看雲行也思君坐也思

君

憶秦娥

王守谷壽詞

解纓投散抽簪辭開此意誰知至妙其間樂地吾儒
自有名教春臺玉燭霽月光風翹首堪長嘯○世間
名利境苦勞勞爭似清風一枕高孔北海沈東老祝
長生梁上歌聲繞黃梁夢先覺

謁金門

吳縣旗幟詞

天子睿聖保障必須賢令賦稅今推吳下盛誰知民
已病○一自公臨邑政明照姦豪如鏡勅肯休將親

侍聘少留安百姓

鷓鴣天

題全真

君王意在恤黎民妙選英賢令要津金字榜中題姓
氏玉琴堂上布陽春○歌梓道上楓宸青驄一騎漲
黃塵九重半夜虛前席定把疲癯子細陳

秦樓月

謝醫

業傳三世學通四庫志在濟人利物刀圭信手就囊
拈能事在醫人醫國○雷封薄宦寄身遊旅忽感貼
危困厄過承恩惠賜餘生祇撰箇新詞酬德

唐伯虎先生外編續刻卷之九

吳趨唐 寅伯虎著

同郡何大成君立輯

曲

步步嬌

春景

樓閣重重東風曉玉砌蘭芽小垂楊金粉銷綠映河
橋燕子剛來到心事上眉梢恨人歸不比春歸早

醉扶歸

冷淒淒風雨清明到病恹恹難禁這兩朝不思量寶

唐月夕多紅粉老之九
髻插桃花怎當他綉戶埋芳草無情挈伴踏春郊鳳
頭枉繡弓鞋巧

皂羅袍

堪歎薄情難料把佳期做了流水萍飄柳絲暗約玉
肌消落紅惹得朱顏惱心牽意挂山長水遙月明古
驛東風畫橋俏冤家何事還不到

好姐姐

如今瘦添楚腰悶懨懨離情懊惱落花和淚都做一
樣飄知多少花堆錦砌猶堪掃淚染羅衫恨怎消

香柳娘

隔簾櫳鳥聲隔簾櫳鳥聲把人驚覺夢回蝴蝶巫山
廟我心中恨着我心中恨着雲散楚峰高鳳去秦樓
悄悄怕今宵琴瑟怕今宵琴瑟你在何方弄調撇得我
紗牕月曉

尾

別離一旦如芳草又見梁空落燕巢可惜妝臺人自
老

步步嬌

夏景

閣閣蛙聲池塘曉水面荷錢小空庭暑氣消望斷藍
橋天遠人難到清露滴梧桐怪林鴉底事飛來早

醉扶歸

眼睜睜咫尺無書到困騰騰昏迷這幾朝最難禁風
物動離情強追陪女伴尋花草偶穿鄰竹步芳郊淚
痕忽恨湘妃巧

皂羅袍

畢竟薄情難料等閒將好事雨散雲飄愁來不逐遠
山消鏡中只惹孤鸞惱洛陽春好平康夜遙東山別

壁西湖斷橋舊遊踪跡渾忘到

好姐姐

無端帶寬舞腰瘦伶仃相思煩惱一身無主好似風絮飄愁非少情絲惹地那堪掃尊酒澆胸不肯消

香柳娘

把金針暫拋把金針暫拋象牀眠覺夢魂長遶高唐廟奈佳期負却奈佳期負却雁去碧天高人遠香閨悄嘆塵埋瑤瑟嘆塵埋瑤瑟甚日和伊再調這消息全然不曉

尾

天涯極目迷芳草
梧竹叢深冷鳳巢
空使朱顏坐中老

步步嬌

秋景

滿地繁霜天將曉
籬落黃花小
墟烟淡欲消
送別河橋境
昔曾同到
草木脫青稍
睹園林蕭索
驚秋早

醉扶歸

冷颼颼
庭院金風到
事悠悠
今朝異
昨朝計
歸程
劃損玉簪兒
詠幽懷
亂積詩篇
草隔簾星
漢俯空郊
羨

他牛女能逢巧

皂羅袍

事變由來難料
倏晴明又早雨泊雲飄
從前恩愛一時消而今轉得終朝惱
登高閒眺雲邊路遙苔蒙舊
館烟迷野橋劉郎何日悲重到

好姐姐

還憐冶容細腰怎禁持
這般懊惱倦來剛睡又被覓
夢飄精神少愁魔總賴香醪
掃心病能憑妙藥消

香柳娘

我心如醉着我心如醉着仗誰推覺恍如焚却祇神
廟怕黃昏到了怕黃昏到了天暗亂螢高城靜疎鐘
悄奈離情多攪奈離情多攪欲把冰絃自調沒心緒
躊躇到曉

尾

陽關西去連天草愁斷飛鴻沒定巢滿目荒涼秋色
老

步步嬌

冬景

落木哀風江城曉點點寒鴉小霜繁潦水消迢遞虹

橋梢没人踪到消息探梅梢見琉璃的皪開偏早

醉扶歸

害相思湯藥曾嘗到盼歸期一朝又一朝嬾安排錦
帳飲羊羔只思量玉手拈著州啓窻窺雪灑林郊花
開頃刻天工巧

皂羅袍

短倖心腸誰料不哀憐害我粉腿香飄真情憶着氣
難消名兒提起心先惱紫簫吹斷青鸞去遙酒闌金
谷帆開灞橋姻緣總是修不到

好姐姐

妖嬈翠鬟粉腰没人憐幾番自惱曲闌行過轉覺神
思飄知心少蛾眉淡了憑誰掃卯酒醺來祇自消

香柳娘

恰朦朧睡着恰朦朧睡着被誰驚覺鷓鴣啼斷黃陵
廟爲情人去杳爲情人去杳淚染紫雲高夢逐青山
悄把湘靈舊瑟把湘靈舊瑟再向風前鼓調這哀怨
聽來自曉

尾

冰霜枯盡江南草未得離鸞返舊巢浩氣長吁天地老

伯虎閨情四闋世所傳者祇樓閣重重一套耳偶閱詞林選勝其三闋俱全且如皂羅袍柳絲句坊刻作綰斷今本作暗約香柳娘夢回句坊刻作巫山杳今本作巫山廟意調迥別的爲定本因覆鋟之不妨並載云萬曆丙辰花生日慈公識

黃鶯兒

殘月照妝樓靜閨闌燕子愁滿庭芳草黃昏後王孫
浪遊光陰水流梨花冷淡和人瘦夢悠悠銅壺滴漏
孤枕四更頭

前腔

羅袖怯春寒對飛花淚眼漫無心拈弄閒簫管塵蒙
鏡鸞愁埋枕珊瑚蘼蕪草綠王孫遠倚雕闌叮嚀魚雁
風水路途難

前腔

蝴蝶杏園春惜芳菲紅袖人東風九十愁纏病羅衣
嬾熏蟬蛾嬾簪烟波魚鳥無音信夜黃昏空庭細雨
燈影伴孤身

前腔

疎雨滴梧桐聽秋聲萬籟風孤衾夜永相思重樓頭
怨鴻床頭亂蛩啾啾唧唧驚芳夢待朦朧相逢未已
無奈五更鐘

前腔

無語想芳容滿春衫淚漬紅征衣遠寄郎珍重淒涼
萬種關山幾重都成一樣相思夢覩長空鵝毛碎剪
迷斷九疑峰

黃鶯兒

詠美人浴

衣褪半含羞似芙蓉怯素秋重重濕作胭脂透桃花

在渡頭紅葉在御溝風流一段誰消受粉痕流鳥雲
半顰撩亂倩郎收

二郎神

綠窻春思

人不見奈料峭東風送曉寒正雨散雲收春夢斷鴛
衾鳳枕怎消受空房虛幔可是烟花緣分慳託誰行
述情傳簡整雲鬟對菱花教人怕見愁顏

前腔

堪憐桃腮紅損眉山翠偃揜不住汪汪含淚眼爭知
薄倖曾思念鵲寡鸞單墻角梅花落已殘冷清清和

誰作伴恨漫漫強登樓無言獨倚朱闌

集賢賓

堦前青艸長舊斑王孫何事不還李白桃紅春已半
怪求友黃鶯相喚長吁短嘆對景物愁腸百段淒涼
限知甚日情當完滿

前腔

相思相見難上難如隔萬水千山對月和風調鳳管
恨交頸鴛鴦拆散心慵意懶又拋却金針銀剪簾不
捲羞睹着穿花雙燕

黃鶯兒

偷把淚珠彈怕傍人冷眼看落花滿地驚春晚思昔
枕邊切切細言叮嚀久久心不變怨天天將人阻隔
不遣共團圓

前腔

側耳聽啼鶯灑花枝似血鮮想應他也有離別怨白
日懶言清宵懶眠心頭常挂着相思線綠牕前揮毫
未寫淚灑薛濤牋

琥珀貓兒墜

風和日煖又見柳飛綿攪亂愁懷凝望眼幾時重續
好姻緣惟願天天遣他心回早整歸鞭

前腔

看看春暮綠暗更紅嬌天道又經一小變眼前明月
幾時圓悲怨紅顏薄命多愁枉度流年

尾

把相思苦訴與天想天心爲儂還見憐不信那薄倖
的心腸石樣堅

桂枝香

春情

相思如醉一春憔悴無端幾許閒愁惱亂離人情緒
雲山萬疊雲山萬疊阻隔那人何處使我心如懸旆
望天涯草綠江南路王孫歸未歸

不是路

楊柳依依懶上妝樓學畫眉綉簾垂鎖窓斜把熏籠
倚裙褪紅綃減玉肌傷情處深沉庭院重門閉十二
闌干不語時留無計杜鵑苦苦催春去落花風細落
花風細

長拍

燕燕于飛燕燕于飛差池其羽畫梁間雙來雙去又
早清明天氣滿目前綠瘦紅肥蠶箔吐新絲一似我
柔腸萬千愁思詩就迴文頭緒亂羞得去整頓金梭
織錦機他那裏想已是賦歸與敲斷了玉釵紅燭冷
暗數歸期

短拍

翠館紅樓翠館紅樓丹山碧水遠迢迢何處追隨長
記別離時悵望斷雲殘靄都認做渭城朝雨夢裏相
逢少頃假埋冤懊悔心痴

尾

綃綃點點凝紅淚他見了恐教流涕羅袖深藏只自知

桂枝香

春情

東風寒峭纔識春光來到殷勤點檢梅梢早見南枝
白了倩偷香浪蝶倩偷香浪蝶應是未曾知曉却在
何方閒閑好良宵羅浮夜半啼青鳥錯夢梨花燕語
嬌

前腔

春花滿眼數不盡紅深紫淺曉來風度湘簾嬌怯鶯
聲流轉喚起春情萬千喚起春情萬千點點有誰消
遣空把雕闌倚遍悄無言啼殘玉頰芳容減拋却金
針懶去拈

前腔

殘紅滿地又是春將歸去可憐一夜東風吹落桃花
千樹那愁蜂怨蝶那愁蜂怨蝶辜負尋香情緒空逐
飄飄飛絮滿天涯無端芳艸迷行騎難挽韶光住片
時

前腔

子規啼切空叫東風寒夜春光已去多時猶道不如
歸也故添人怨嗟故添人怨嗟不念我芳容消怯愁
對孤燈明滅月初斜聽殘玉漏聲將歇欲夢陽臺路
轉賒

好事近

春情

雲雨杳無踪一春靜守房櫳無風庭院清晝自飛殘
紅愁濃奈有千頭萬緒堆積處都在眉峰針慵拈弄
料薄倖秦樓迷戀何日相逢

錦纏道

紫濛濛似冤家全無定踪奴惜念怪東風淚緘封欲
傳心事奈沒鱗鴻望關山千里萬里知他共誰汎金
鍾何處繫青驄畢竟珠圍翠擁拋奴寂寞中帳底雙
鴛被羞將龍腦夜熏籠

普天樂

繡幃空難爲夢病染恹恹重說消瘦鸚鵡在朱籠妝
臺上寶鏡塵蒙香雲髻蓬又誰知因他臂釧金鬆

古輪臺

月溶溶雕闌獨倚又昏鐘隔花香霧縈簾重鞦韆不
動影漸過牆東添我悶懷百種往日歡娛盡成憂怨
當初易匆匆酒冰銀甕摘花浸強把愁攻更闌人靜
篆消猊叨漏聲遲送褥冷繡芙蓉無人共坐陪絳燭
燼春紅

尾

相思債無盡窮最苦是孤凰求鳳目斷天涯芳草濃
步步嬌

滿目繁華春將半回首情無限西樓畫捲簾芳草萋

萋野花撩亂斜倚畫闌干把江南雲樹相思遍

忒忒令

理冰弦將離懷自遣未彈時意慵心倦詞調短寫不
盡心中愁怨空冷燼玉爐烟又早見風兒細月兒明
花陰半轉

園林好

只爲他蘭香懶燃只爲他金針懶拈只爲他被姊妹
每輕賤只爲他意懸懸只爲他恨綿綿

香柳娘

漸香消玉減漸香消玉減青鸞羞見啼痕滴損桃花
面怕黃昏到也怕黃昏到也衾冷倩誰溫枕孤有誰
伴自長吁短嘆自長吁短嘆心兒暗思口兒頻念

好姐姐

可憐正淒涼未眠冷冷清清把紗窗半掩更長夢短使
人愁悶添真堪怨冤家到把誰迷戀不記得花前月
下言

雙蝴蝶

恨天嘆紅顏多命蹇恨天負心的音信遠捱不過夜

如年寬褪了兩行金釧恨天杳沒個便人兒將心事
傳恨天空教我卜金錢眼望穿

玉抱肚

薄情心變頻忘却香囊翠鈿只爲他假話虛言哄得
人意惹情牽朝思暮想病恹恹只落得瘦怯怯花容
不似前

玉交枝

時光似箭送青春催着少年看雙雙花底鶯和燕怎
教人獨睡孤眠他在紅樓翠幙醉管絃更不念我寒

燈暮雨空腸斷訴不盡離愁萬千訴不盡淒涼萬千

川撥棹

尋思遍恨冤家忒行淺不記得海誓山盟不記得羅幃鳳鸞不記得錦屏前不記得枕兒邊

僥僥令

蒼天還念我再結此生緣有日相逢重歡忭把好話綢繆春晝短

尾

殷勤寄與南來雁使情人心回意轉花再芳菲月再

圓

步步嬌

滿地梨花重門掩不覺春過半
荼蘼香夢寒風雨黃昏
寂寥庭院美景對誰言
多應負却看花眼

孝順歌

長生術何處傳
菴花咲人不似前
何事損朱顏
何事鎖春山
恩多成怨悔不當
初莫識風流面
比翼肩並蒂蓮物尚然
人苦不團圓

香柳娘

正朦朧睡酣正朦朧睡酣被鶯聲喚轉枕痕一線紅
香淺歎四肢嬌軟嘆四肢嬌軟懶把繡針拈慵將畫
簾捲對蒼天暗占對蒼天暗占相逢未便淒涼未滿

園林好

你趁着青春少年我落得酸心苦膽也只是命遭孤
限空淚滴濕青衫枉寫恨滿華絨

江兒水

鬢髲釵頭鳳塵蒙鏡裏鸞殘脂剩粉無心管想前春
故燒高燭把紅妝翫記昔年同行明月把芙蓉看今

日畫眉人遠冷透香羅無奈東風剪剪

僥僥令

病從愁裏得愁向病中添萬種情懷誰排遣只得對
青燈淹淚眼背天桃含淚眼

尾

韶華贏得傷春怨撫枕懷人竟夢牽留得飛花泣杜
鵲

步步嬌

花落花開不管流年度誰與花爲主傷心聽杜宇人

面桃花甚時完聚有意送春歸無計留春住

江兒水

雨過橫塘路池萍漲綠波紛紛柳絮隨風舞紗牕幾
陣黃梅雨圓荷葉小難擎露景傍清和時序晝永人
閒靜掩綠窓朱戶

園林好

人去遠佳期未卜暗倚遍闌干數曲見池內鴛鴦交
頸不似你命兒孤偏似我命兒孤

川潑棹

碧碧草沿堦海榴半吐綻蜀葵如錦簇那更令節蕤
賓那更令節蕤賓遍懸貼神符艾虎怎將人鬼病魔
怎將人鬼病魔

人月圓

氣長吁情懷幾許惹離愁千萬縷一似散却鸞凰一
似散却鸞凰再不想吹簫伴侶這離情欲訴誰這離
情欲訴誰

五供養

深沉院宇透入薰風暑氣全除涼亭堪宴賞有清虛

陽臺路阻雲雨事無憑無據甚日重相會再歡娛未
知道天意果是何如

僥僥令

光陰如撚指日月緊相催只見暑往寒來空中去不
見有情人教誰寄書

前腔

彤雲纔密布六出滿空飛只見煖閣紅鑪銀妝遍不
見雁兒來教誰寄書

尾

冤家莫把人辜負早會合共成一處免教我鳳隻鸞孤

針線箱

傷春

自別來杳無音信昨夜裏燈花未准五行中合受淒涼運只索要苦縈方寸有時節獨立在垂楊下可奈枝上流鶯和淚聞合真愁悶縷金衣上都是啼痕

前腔

過一日勝似三春看看早春光又盡害得那不疼不痛淹淹病漸覺這帶圍寬褪只見落紅滿地香成陣

又是雨打梨花深閉門合真愁悶縷金衣上都是啼痕

解三醒

待寫下滿懷愁悶竟說與外人不信迴文錦圖空織
盡爲訴與斷腸人幾番待撇尋思別事因又爭柰一
夜歡娛百夜恩合今番病非因是害酒只爲傷春

前腔

海棠嬌等閒憔悴損怎不見當時花下人東風不管
人離恨空吹散楚臺雲如痴似醉悠悠勞夢魂恨不

得一上青山變化身合今番病非因是害酒只爲傷春

尾

以薄情無憑准朝朝思想淚珠傾這樣傷春誰慣經

右曲十三套

見詞林選勝

何子讀六如先生曲譜而喟然有感焉往予外叔祖
酉巖秦氏博極羣書尤精音律嘗應試南都以八月
既望縱步桃葉渡三吳士女靚妝炫服遊者如堵已
而六館英豪平康姝麗笙歌雜沓畫舫鱗次西陵乃
浩歌念奴嬌序一闕低徊慷慨旁若無人環橋而聽
者不可勝紀也頃之月墮沙堤漏殘銀蟾向之姝麗
者爭奔席交懽焉捧檀板以度曲挾雲和而授指絃
周郎之睇眄祈薦枕于襄王悅李暮之譜詞效吹簫

于秦女洵可樂也曾未數十年風流頓盡石城夜月
空縣美人之思柘館笙篴不入鍾期之聽予外湘鳳
巖公每向予道之未嘗不涕泗唏噓也嗟夫人真世
衰音隨代外蕪音累句徒傳白苧之篇拘韻顛腔私
艷紅泉之帙詎審填詞按曲別準金科疊譜和腔須
逢繡指未易以一二爲盲道矣詞林選勝一編乃魏
良輔點板所載六如曲富甚予備錄之其徵詞秘旨
種種不傳惜爲三家學究漫漫置題評十市街頭以
改竄鶯聲柳色第聞亥豕魯魚鳳管鸞箏莫辨清濁
纖妍雖具妙義全乖不佞耳慙師曠心賞伯牙
指貲募工亟爲繕寫更以諸本刊誤增列如左庶幾
礪硃對連城而失色明月錯魚目而愈珍即起六如
酉巖兩公于九原當不以予爲傖父也丙辰三月禊
日虎丘漫識

埶伯虎雜曲

伯虎雜曲散見諸樂府或誤刻他姓或別本互見者
種種不同不佞悉爲詮次以備闕遺然皆各有所據

不敢混入以滋厲誚云丁巳夏日慈公識

集賢賓

冰肌玉骨香旖旎藕花深處亭池碧玉欄杆誰其倚
辜負了涼風如水光陰撚指又早是破瓜時序鸞鏡
裡只怕道崔徽憔悴

黃鶯兒

孤枕伴殘燈悄無言珠淚零濃霜打瓦鴛鴦冷淒涼
五更綢繆四星愁腸早起安排定恨才人長門賦裡
說不盡衷情

前腔

燈火夜闌珊繡簾風花影寒不除釵釧眠孤館心兒
裡漸酸口兒裡漸乾此時愁比天長短夢巫山雲收
雨散神女怨青鸞

前腔

日轉杏花稍送春歸把酒澆行人不念佳人老青帘
小橋黃鶯滿鑣天涯何處無芳草路迢迢歸期正早
瘦損小蠻腰

山坡羊

尤關

新酒殘花迤逗寒食清明前後羅衣冷落冷落腰肢
瘦獨自愁何時有任頭剛能撥遣撥遣還依舊芳草
天涯人在否登樓登樓望遠遊低頭低頭淚暗流

前腔

燕子粧樓春曉天際王孫芳草烟波曠蕩曠蕩鱗鴻
杳翠黛彫愁眉怎畫描東風賺得賺得鶯花老紅燭
金釵且漫敲香消香消一捻腰迢迢迢迢萬里橋

前腔

信迢迢無些憑準睡惺惺何曾安穩東風吹散吹散

梨花影軟弱身輕身輕草上塵只愁鏡裡鏡裡朱顏
損栲栳量金買斷春傷神傷神額黛顰堪嗔堪嗔薄
倖人

前腔

牕下鷄鳴天曉箔上蚕眠春老海棠報道報道花開
蚤夜又朝光陰信手拋甫能炙得炙得燈光了燕子
樓頭月又高春宵春宵嘆寂寥裙腰裙腰香漸消

前腔

纖手尋常相親口曾教放膽塔尖兒上却把人來

賺咫尺間北猜對面山風雲氣色多少濃和淡鐵打
心腸也弄酸無端無端惹這般休瞞休瞞道沒干

前腔

睡昏昏不思量茶飯氣淹淹向虛空嗟嘆他推不慣
到是誰曾慣那轉灣相逢着面顏除非是天與天與
人方便性命看來直破錢嬋娟嬋娟望可憐姻緣姻
緣豈偶然

前腔

煖融融溫香肌體唉吟吟嬌羞容止牡丹芍藥都難

比緊樓時心頭氣一絲起來拜謝拜謝天和地便死
甘心說甚的相携相携手不離相思相思只自知

前腔

明月梧桐金井遊子風塵萍梗紅羅斗帳斗帳新霜
冷掩翠屏斜身背着燈燈前壁上壁上形和影教我
如何挨到明愁聽愁聽雁報更低聲低聲訴薄情

前腔

嫩綠芭蕉庭院新繡鴛鴦羅扇天時乍暖乍暖渾身
勸整步蓮鞦韆畫架前幾迴欲上欲上羞人見走入

紗厨枕底眠芳年芳年正可憐其間其間不敢言

香遍滿

秋思

春風薄分吹回楚臺一片雲入夢追尋無定準遠山
疑淺顰仙踪不染塵想應夢裏人解憐我傷秋恨

瑣寒窗

漸江楓玉露初勻料想衡陽雁未賓盼巫峰朝暮信
息難真誰知青鳥忽傳來信似雲駢降臨隱隱偶聞
試端詳月下丰神頓教良夜生春

劉潑帽

背人避影通芳訊恨塵緣尚阻良姻盈盈眼底明河
近不得親脉脉添愁悶

大聖樂

玄都觀花事雖湮想天台緣未泯采春正合元郎韻
知盼盼是你前身少不了今生酬却前生願豈但是
一夜夫妻百夜恩從他間阻這赤繩到處自然相引
生薑芽

秋蟾又吐痕採萸新壺觴肯向時俗混頻傳問待人
攜芳醞任他吹帽金風峻黃花笑把簪蟬髻屈指良

辰是佳期從今定無孤辰運

尾聲

離情一日三秋迅况秋宵容易斷
鬼待取相逢却細
陳

榴花泣

情東青樓

折梅逢使煩寄到金陵是必見那芳卿將咱言語記
須真一一的說與他聽自別來到今急煎煎遣不去
心頭悶似楊花覆去翻來如芳草削盡還生

前腔

憑高眺遠望不見石頭城重山障亂雲凝茫茫都是
別離情只落得淚眼盈盈恨不能生羽翎到妝臺訴
與你千般恨有誰人知我衷情惟明月照人方寸

喜漁燈犯

佳辰幾把闌干凭也只爲傷春你怎知我日夜相思
竟忘餐廢寢你怎知我近日多愁悶漸覺帶圍寬褪
說與他我決不學王魁行說與他你莫學蘇小卿說
與他酒泛金樽我也無心去飲說與他絃斷瑤琴我
也無心再整說與他我怕聽鷄鳴鐘聲報黃昏送五

更那時節我的愁悶轉增

尾漁燈

想殺您初相見至誠想殺您笑來迎想殺您體素龐
兒俊想殺您花月下好句聯賡想殺您叫着小名低
低應想殺您對蒼天共盟想殺您臨岐執手苦叮嚀
這衷腸事畧畧訴您知己話也難說與君聽正是箇
箇萬般說不盡煩君去傳與我多情他若聞必然淚
零只怕他淚痕有盡情難盡落得兩處一般愁悶縈

尾聲

梅花香裏傳春信報道江南一種情莫學凍葉寒葩

心上冷

此套繫孫西川作今正之

排歌

味纖足

第一嬌娃金蓮最佳看鳳頭一對堪誇新荷脫瓣月
生芽尖瘦幫柔滿面花從別後不見他雙鳬何日再
交加腰邊樓肩上架背兒擎住手兒拿

附趙玄度啓云伯虎集鬼抄板得矣敬服敬服第樓閣重里一套因他消瘦一套的見其爲古詞元末國初人作非唐先生者而卷三春來一套乃真唐作矣乞入此而去此兩套庶爲同本玄度博極羣書其言必非無據但攷詞林選勝繫六如作未知孰是不安志在摘樓腰角鳳龜不所較登其真其廣統俟博

雅者攷焉若曰屠沽市肆閭人清廟則棄葬各有主
名罪不獨不佞也刻成不忍削去姑兩存以便歌者

黃鶯兒

四闋

寒食杏花天鳥啼春人晏眠一簾飛絮和風捲芳菲
可憐相思苦纏等閒鬆了黃金釧悶恹恹朝雲暮雨
鬼夢到君前

細雨濕薔薇盡梁間燕子歸春愁似海深無底天涯
馬蹄燈前翠眉馬前芳艸燈前淚夢魂迷雲山滿目
不辦路東西

風雨送春歸杜鵑愁花亂飛青苔滿院朱門閉燈昏

翠幃愁攢翠眉蕭蕭孤影汪汪淚惜芳菲春愁幾許
碧草遍天涯

秋水蘸芙蓉雁初飛山萬重行人道路佳人夢朝霜
漸濃寒衣細縫剪刀牙尺聲相送韻叮咚誰家砧杵
敲向月明中

桂枝香

四闕

蓮壺漏啓薰籠香細寒生小閣春殘人
看鞦韆影度看鞦韆影度疑是冤家來
年花事到薔薇摘花浸酒春愁重燒竹

前腔

紅樓凝思綠陰鋪地輕黃落盡蜂鬚淡粉烘乾蝶翅
見雕梁燕兒見雕梁燕兒泥喃學語困人天氣薄情
的何處章臺路飛花襯馬蹄

前腔

芳春將去玉人歸未心隨柳絮飄揚貌比梨花憔悴
嘆幽閨夢中嘆幽閨夢中怎識關河迢遞音書難寄
意如痴恠殺雙鷓鴣橫塘只並飛

前腔

封侯未遇王孫何處綠楊葉底黃鸝紅杏梢頭青子
惜芳菲又歸惜芳菲又歸滔滔逝水欲畱無計漏遲
遲宿鳥驚枝去殘燈落燼時

步步嬌

樓閣重重東風曉玉砌蘭芽小垂楊金粉消綠映河
橋燕子剛來到心事上眉梢恨人歸不比春歸早

醉扶歸

冷淒淒風雨清明到病懨懨難禁這兩朝不思量
簪插桃花怎禁他繡戶埋芳艸無情挈伴踏春郊鳳

山木繡工鞋巧

皂羅袍

堪嘆薄情難料把佳期做了流水萍飄柳絲暗約玉
肌消落紅惹得朱顏惱心牽意挂山長水遙月明古
驛東風盡橋冤家何事還不到

好姐姐

如今瘦添楚腰悶懨懨離情懊惱落花和淚都做一
樣飄知多少花堆錦砌猶堪掃淚染羅衫痕怎消

香柳娘

隔簾櫳鳥聲隔簾櫳鳥聲把人驚
覺夢回蝴蝶巫山
香我心中恨着我心中恨着雲散楚臺遙鳳去秦樓
悄怕今宵琴瑟怕今宵琴瑟你在何方弄調奴守紗
牕月曉

尾聲

別離一旦如秋草畫棟梁空落燕巢
可惜粧臺人易
老

香遍滿

因他消瘦春來見花真箇羞
釵頭問花時還問柳柳條

嬌且柔絲絲不綰愁幾回暗點頭似嘆我眉兒皺

懶畫眉

無情歲月去如流有限姻緣不到頭慙慙鬼病幾曾
休繡戶輕寒透十二珠簾不上鉤

梧桐樹

黃鶯似喚儔紫燕如呼友浪蝶狂蜂對對還尋偶無
端故把人儂恁一片身心教我如何得自由梨花暮
雨黃昏後靜掩重門只與燈兒厮守

浣溪紗

我容貌嬌他年紀幼那時節兩意相投琴心宛轉頻
挑逗詩句句包籠幾和酬他去久有些個風聲兒未真
實見人須問個因由

劉潑帽

浪遊那裏青驄驟向吳姬賣酒爐頭烏絲醉寫偎紅
袖厮逗遛半霎兒渾忘舊

秋夜月

恩變作讐頓忘了神前呪耳畔盟言皆虛謬將他竹
念他知否他待要罷手我何曾下口

東歐令

難消悶恁恁憂抱得秦箏上翠樓絃聲曲韻都非舊
淚濕透春衫袖青山疊疊水悠悠何處問歸舟

金蓮子

表記留香羅半幅詩一首做一個香囊兒緊收帕見
那繡鴛鴦一雙雙交頸睜沙頭

尾聲

等待他來時候薰香重煖舊衾稠把往事從前一筆

勾

集賢賓

紅樓畫閣天縹緲
玉人乘月吹簫一曲
梁州聲裊裊
到此際離愁多少
青鸞信杳
鬼夢斷十洲三島
春色老看滿地桐花
風掃

前腔

春深小院飛細雨
杏花消息何如
報道東君連夜去
須索要圈留他住
金盃滿舉
怎不念紅顏春樹
君看取青塚上牛羊
無主

前腔

閒庭細草天色暝瀟瀟風雨清明萬斛春愁兼酒病
偏不肯容人甦醒殘花弄影明日是滿枝青杏金鏡
冷羅袖上淚沾紅粉

前腔

窓并好花香旖旎藕花深處亭池碧玉欄杆誰共與
歎瞬息年華如水光陰撚指又早是破瓜年紀鸞鏡
裏細看來十分憔悴

已上四闕別本誤刻沈青門今攷三徑詞選
實繫唐六如先生作

月兒高

烟鎖垂楊院日長繡簾捲人靜鶯聲細花落重門掩
薄倖不來羞覩盡梁燕天涯咫尺尺尺情人遠只怕
路阻藍橋無由得見天天若肯週全除非是夢裏相
逢把奴衷腸訴一遍

前腔

園苑飄紅雨輕風蕩飛絮有意送春歸無計留春住
倚遍欄杆默默悄無語雲山萬疊萬疊空凝佇我的
情郎知他在何處吁欲待要寄封書只怕水遠山遙
沒箇便鴻去

前腔

送別長亭柳情濃怕分手欲跨雕鞍去扯住羅衫袖
問道歸期端的甚時候盟言未卜未卜鮫綃透唱徹
陽關重斟別酒酒除非是解消愁只怕酒醒更殘愁
來又依舊

前腔

髻綰香雲擁釵分兩金鳳爲你多嬌態積下愁千種
月冷黃昏孤燈有誰共情人悞我悞我良宵夢盡角
頻吹梅花又三弄風休吹入繡幃中只怕惱動多情

把奴相思病越重

山坡羊

情和愁纏人沉醉月和燈明人心地爲冤家使得心
都碎骨髓情怎教人心棄毀藍橋路阻路阻春來水
淡院黃昏珠泪垂徘徊燈花燒做灰荼蘼闌干邊飛
作堆

前腔

數過清明春老花到荼蘼事了光陰估值估值錢多
少望酒標先揀典翠袍三更尚道歸家早花壓重門
帶月敲滔滔滔滔醉一宵蕭蕭蕭蕭已二毛

新水令

一從秋暮路傍窺閃流光又經春至總良媒無密期
捱不過這寥寂無便寄半行書空目斷清波鯉

步步嬌

獨坐書齋漫把薰籠倚悶則和衣睡無端弄筆題信
手縱橫都做了相思字終日意如癡把功名兩字空
拋棄

折桂令

有時節強對書籍悔過尋思間理文辭剛不到數行
箋註幾個標題早不辨了周書漢史却倒讀了者也

乎之眼底昏迷脚步慵移又不覺遶書齋閒走千迴

江兒水

俛首沉吟又何時得遇伊覷芳容旖旎多嬌麗待冤家嗔喜千般意訴咱行萬種相思味顛倒百番思議一段柔情做了兩家酬對

雁兒落

我怕你害相思損玉肌我怕你乍相逢無恩義我怕你入侯門似海深我怕你把蕭郎空違背我怕你口中辭無剗切我怕你溫存話面相欺我怕你埋沒俺

真誠意我怕你憐念着倍傷悲怎得人問個真消息
愁也麼疑俺志誠心自有天鑒知

僥僥令

他倦繡停針不語時忽聽得燕鶯啼疑是人踪窓前
至剛偷覷兩下閃相思

收江南

呀早知道恁般拆散呵誰待要當日遇嬌姿好似離
魂倩女鎮相隨又不是襄王雲雨夢驚迴細停睛看
時細停睛看時却原來虛齋寂寞自徘徊

園林好

想玉人花容柳眉不由人不如呆似癡無奈雲山遮
蔽生隔斷路東西生隔斷路東西

沽美酒

綰垂楊贈別離聽寒鴉似悲啼滿目風光助慘悽傷
情祇自知欲訴待憑誰有日嫁兒郎新婚燕爾怎知
俺愁中滋味我呵恨無能比翼並栖空獨自屈指佳
期呀猛驚看青衫泪濕

清江引

多情自古添憔悴怕惹得傍人議將心脉脉疑則索
沉沉睡要相逢除是夢兒裡同歡會



唐伯虎先生外編續刻卷之十

吳趨唐 寅伯虎著

同郡何大成君立輯

序

作詩三法序

詩有三法章句字也三者爲法又各有三章之爲法
一曰氣韻弘壯二曰意思精到三曰詞旨高古詞以
寫意意以達氣氣壯則思精思精則詞古而章句備
矣爲句之法在模寫在煅煉在剪裁立議論以序一

事隨聲容以狀一物因游以寫一景模寫之欲如傳神必得其似煅煉之欲如制藥必極其精剪裁之欲如縫衣必稱其體是爲句法而用字之法寔行乎其
中妝點之如舞人潤色之如画工變化之如神仙字
以成句句以成章爲詩之法盡矣吾故曰詩之爲法
有三曰章句字而章句字之法又各有三也聞讀詩
列章法於其題下又摘其句以句法字法標之蓋画
虎之用心而破碎滅裂之罪不可免矣觀者幸恕其
無知而恰其愚蒙也

送陶大癡分教撫州序

陶大癡先生老且貧仕又不達故人知己多親貴者
存念之爲之推薦得轉官一階自南昌司訓往教諭
崇仁旣領檄買船載書使厨奴負鼎俎僕牽狗挾被
與之灑然而行若無家之人徃僦室以居者唐生於
先生號知己餞之章江之上酌酒相別喟然爲之嘆
息曰嗟乎仕爲貧而仕仕又不能免於貧斯烏在其
爲仕也士賴故人知己之推薦而後達舉之而又不
達斯烏在其有故人知己也士不仕仕又無故人知

已者爲之薦達則其貧而老也固宜若先生豈宜此耶豈所謂故人知己者知先生有未盡也知之未盡則棄絕之而已何爲而致之若是其且困也若先生仕得苞苴之譏爲故人知己者辱則知爲知己者將變其素所厚而爲薄矣安肯爲之薦達也哉薦之而不改學職此蓋知先生之素其志高有不能僕僕勞頓於簿書期會之間不若席賓師職禮樂雍雍穆雅居然處於揖讓之表以供其老爲優也是則先生之所以答故人知己者惟恐貧而不至於劇故人之

所以厚先生者惟恐以簿書期會爲之勞瘁也余有
故人其顯達者較於先生不少而貧益甚流落江海
以稅自資雖囂然不屑仕進而亦竟無一言以及之
者意其亦以厚於先生爲予厚耶抑其言行文學不
足道也言行文學固不及先生然而言不失口於然
諾行不失步於詭隨文章奇瑰學識疎達蓋踰於跖
跖之士多矣此其自許如此而先生乃許之爲東方
曼倩之流竊猶以爲於已知者有未盡而羞之然不
可謂之爲不知已也以知已而別知已於貧困道塗

流落之間能不悉以彼此故人知己之所厚薄者相
爲道哉故序

送徐朝咨歸金華序

徐君朝咨來自金華宴蘇之治省太夫人與兄吳
公也數日飾裝將還姪子重裒吳之善詩者爲詠
言以贈行橐而俾予志其首余少讀潛溪先生所著
書深歎伏其根本仁義鼓吹禮樂以爲一代儒宗及
南游金華見其鄉士大夫皆彬彬尚寔古樸大雅有
潛溪之遺風焉正德丙子郡公自臺端來蒞是邦三

月而政成凡勢家豪族漁獵其民者皆屏息歛手貪
墨之吏悉改行而仁義禮樂之教煥然大備朝咨君
又不遠千里來展定省忠孝薦厚之誼不待歌詩而
見而潛溪之風蓋有驗矣朝咨君少精壁經著聲場
屋間天性誠薦峭整他日繼郡公軌範上弼唐虞下
阜民物沛仁義禮樂之教於天下則知金華士大夫
之學業遠有自云

記

許旌陽鍊柱記

天地開闢而有陰陽負陰抱陽人民與龍蛇魑魍並
生其中揉雜不分妖厲爲害黃帝氏興戰蚩尤於阪
泉而滅之而後天地定位神禹繼作紂庚辰鎖無支
祈於龜山之足淮水乃安鑄爲九鼎以辨神奸民而
後龍蛇魑魍之患息然其緒緒之傳莫示先受精一
之道而後禪邦國之位抱精守一蓋所以通天地之
神靈建邦立國蓋所以阜民物之生命及乎聖跡縣
遠世德衰微天地艸昧陰陽亂淆攀胡之號莫繼其
將斲指之鼎亦濟於河而所謂妖害者無可忌憚騁

馳淫毒以害民生凡有中區靡有寧止旌陽君生於
其時修精一之道以達天地之神靈遂誅龍蛇以安
江流馘魃魍以定民生鑄鍊柱以鎮地脈玄功告成
神道昭契乘風上征合瑞紫宮以續黃帝神禹之傳
而延民物之命而績懋著惠澤迄今益天地之間一
陽一陰陽之好生而陰好殺故陽爲德而陰爲刑凝
德爲神淫刑爲怪是故神爲高明怪爲幽厲環旋升
降相爲始終陰陽和暢則神安怪息陰陽兩極則神
怪竝馳然而獨陽不生獨陰不成陰陽神怪長爲表

裏故黃帝之與蚩尤神禹之與無支祈許真君之與蛟精皆竝生一時蓋陰陽兩極而爲神怪也故有至怪之變生有至神之聖出以御之設使特生蚩尤無支祈與蛟精而無黃帝神禹許真君則天地之間陰陽偏滯而人類幾乎其息矣

正德甲戌余過豫章躬覩君跡竊嘆真君道合黃軒而配神禹世無正論爰就荒唐欲明斯理輒譔爲証敘刊之負礎以示將來云

荷蓮橋記

邑多賢士大夫則多賢令尹令尹之卽職也爲最親
民民事甚夥一有不便而尹或莫之知者則相聚以
尤焉非其邑有賢士大夫輔翼之以補綴缺少則尹
雖賢固難免於民之尤之也進賢南昌屬之大者自
宋崇寧中立治抵今歷歲若干邑之以賢稱者不絕
班輩多賢士大夫相爲之輔翼民有不便輒相與以
補綴之必致其尹以賢稱於邑而後已邑之東南區
爲饒位出水之會水將北趨番陽其未達也滙而爲
波涇瀼而爲河淡宕然而爲沮洳七八月之間潦民

未有不憂涉者以車則膠輪以騎則踐魚鱉之居而
質戴者分重負者兼舉而尹莫之知也內相喻公某
至而見焉曰是爲不便於民之大者不治民將充吾
尹乃爲石梁於其上以便涉凡用若干金夫修興梁
成徒枉尹職之夥者或未之知而深於治事民安有
不慮者乎然未知其充之有無而喻公輒自以邑之
賢士大夫爲已任輔翼補綴以成其尹之賢雖尹之
賢未必以此而決不以此爲尹之充也則邑之多賢
尹者邑之多賢士大夫之所致也固然矣夫豈獨一

然哉

愛谿記

天地自然者爲能然若金紫之貴珠玉之富或

者能削奪則貧之矣削奪而賤貧則失其所愛與資
將傷困之不暇求其夷然而樂坦然而安者必無有
也新安洪君伯周倣儻誠慤士跡履遍江湖聲聞滿
儒冠少孤而孝奉祖與母以居樂其志以資其生弄
長竿之清風披笠簑之煙雨飄然波濤邈焉寒暑勢
不可奪強不可撓蓋公休任公子之流於是以愛溪
自號而丐余記之余謂士之文處世失其所愛與資
奔走於不可得已之間俯仰於無可奈何之際蓋心
茲恐懼身措無地安能上傳而下育也得其所愛與

資而非其道以富貴自炫而驕其妻妾齊人也翻覆
酌量於兩三之間余則以爲洪君之計爲得故爲之
記

竹齋記

艸木花果之以人爲喻者甚多若松稱大夫桂子稱
仙友牡丹稱王海棠稱爲神仙艸稱虞美人龍眼稱
爲荔枝之奴惟竹稱君子世之王公大人朋友異人
神仙僕隸其薦厚淳慤者固多至若暴戾殘慝詭怪
顓蒙者中亦不少若一律而求爲君子之所歸豈可

得也然而上自王公下逮僕隸其中人品千態萬狀其見君子則必敬必信以其薦厚淳慤而不暴戾殘愚詭怪顓蒙我也雖軋以王公大人之勢要以朋友之信義眩之以神仙之奇瑰詭怪粉白黛黑親之以異人之姿執之以僕隸之勞皆不可得敬之信之如君子者則人何患而不爲君子豈若花果艸木之生質有一定之限而不可變者人固不若是也歟之吳君明道字存功別號竹齋君子人也丐余記齋余謂存功其知以薦厚淳慤自處而遠去夫暴戾殘愚詭

怪顓蒙者歟何不以松桂花草顏其齋而特以竹將
見人之敬信自王公大人以及乎僕隸無有間然者
吾嘗聞野人之說曰門內有君子門外有君子
功與竹迭爲賓主皆號君子門內門外之辨隨時而
定此非吾所能知若其自信以從君子之所歸則斷
然矣余故爲之記

筠隱記

筠之爲物也其圓應規其道應矩虛中足以容貞外
足以守故稱爲材舍筠而他求取以爲材者則未能

備衆異之若是也豈惟筠哉夫人亦然故君子之以材稱者亦備焉一規一矩悉應法度由中達外無不當理是特筠之性特異於人耶蓋天之生材不備衆美則不能爲世用則必厚之異之出於等倫故筠之生森然而直其外蓋自規也毅然而圓其中蓋自虛也爲君子者取法乎此則上可以事君內可以事親律已以貞應物以虛無所施而不可矣秦君仁之有材之君子也和以處衆敬以方外言貌動止一由規矩所居之齋植筠爲俾朝退宴清必與相對故以筠

隱爲稱俾余記之竊謂筠與秦君皆天挺之美材也
道誼相同契好自合法其美以爲已之美遠取諸物
而近取諸身之入故秦君事今 睿主靖恭乃職晨
夕不怠沾沾休光隆重深益是蓋得筠之爲助不少
抑亦秦君之善於取法也故爲記之

菊隱記

君子之處世不顯則隱隱顯雖異而其存心濟物則
未有不同者苟無濟物之心而汎然於雜處隱顯之
間其不足爲世之輕重也必然矣君子處世而不足

爲世之輕重是與艸木等耳艸木有可以濟物者世猶見重稱爲君子而無濟物之心則又草木之不若也爲君子者何忍自處於不若艸木之地哉吾於此重爲君子之羞艸木與人相去萬萬而又不若之則雖顯者亦不足貴况隱於山林丘壑之中者耶吾友朱君大涇世精瘍醫存心濟物而自號曰菊隱菊之爲物草木中最微者隱又君子沒世無稱之名朱君君子也存心濟物其功甚大其名甚著固非所謂沈然雜處於隱顯之中者而乃以草木之微與君子沒

世無稱之名以自名其心何耶蓋菊乃壽人之草也
南陽甘谷之事驗之矣其生必於荒岑郊野之中惟
隱者得與之近顯貴者或時月一見之而已矣而醫
亦壽人之道必資草木以行其術然非高蹈之士不
能精而明之也是朱君因菊以隱者若稱曰吾因菊
而顯又曰吾足以顯夫菊適以爲菊之累又何隱顯
之可較云余又竊自謂曰朱君於余友也君隱於菊
而余也隱於酒對菊命酒世必有知陶淵明劉伯倫
者矣因繪爲圖而并記之

王氏澤富祠堂記

徽歙多世家澤富之王景旻氏是其一也先自唐祕閣校正諱希羽者自宣徙徽生延祚延祚生明在宋建隆初仕至廣州太守四世孫奉宗考槃丘園遁跡不見而族益著大乃景旻之始也王氏旣稱故家其支庶子姓蕃衍豐殖蓋有自然而然者景旻思所以合聚而束之以禮乃爲屋若干楹於所居卽野之中以祕閣爲不遷之祖廣州與奉宗配焉迨及後世旣祧之主皆合居於中婁臘歲時率宗族子姓以奉薦

享所爲就緒而景旻不祿其子友格暨叔父景遽繼志述事舉族內之賢能者凡六人曰某宣叶乃力於是祠事大備祭則有田收其入以爲俎醢酒腥之用職事有人以司衣服籩豆尊彝之器歲祭則宗長咸在拜獻有常餼燕有寢序列有位穆然先王之遺風由是王氏之子弟彬彬禮文皆景旻之遺力也禮云五經之內惟祭爲大所以合同姓序尊卑辯賢不肖也蓋別子小宗雖自得爲不遷之主而其子孫猶助祭於大宗之廟則同姓合矣昭與昭齒穆與穆齒伯

氏叔氏上下列位而尊卑序矣賢者冕而盡事不肖者并而盡力賢不肖辯矣此先王之遺制而景旻首舉行之又可謂知所務矣王氏後世之子孫苟知所務不替斯舉使世德族系百萬斯年與此祠俱隆豈不得爲徽歛之偉觀也哉弘治乙丑余行旅過徽友格以幣交故爲記其事云

誌銘

徐廷瑞妻吳孺人墓誌銘

孺人姓吳氏諱素寧蘇之長洲人大父某母王氏生

正統甲子二月二日年十七歸徐廷瑞正德戊寅十
月初九日卒得年七十以卒之年十二月八日葬武
丘鄉子雯娶何氏女三長適葉璋次適寅次適張銘
孺人性好紡績自廟見而抵於疾幾六十年自旦
至莫未嘗一日不在筐篚之側雖祈寒盛暑不廢也
性稟節儉蠶鹽之外不求兼味及不好佛事自信以
爲修短有筭禍福有數天道不可邀冀得也故梵呪
之音未嘗出口寅爲女壻三十年內言不聞非儀兩
絕親所豫見故爲銘其墓之戶銘曰孺人之德兮紡

績是躬沒齒不忘今繭絲寔工啟予全歸今在此曲
室中福利後昆今萬世無窮

墓表

吳君德潤夫婦墓表

吳君德潤卒柱國太原公誌其墓曰余門弟子也寔
才且賢大司寇彭城公曰德潤余筆研友也爲文其
碣其子東又丐摭二公之詞以表之按德潤諱裕大
父有成父孟恭母施氏俱高蹈自晦生君髫髻夙成
九歲補府學弟子又名籍甚有司以高選七舉入場

屋不得第馳騫塵埃中者幾五十年昏燈曉研不勝
疲勞以廩食積年資貢成塲計偕得官年將不可待
矣於是謁歸故鄉家素號資門樾臨通渠巨區臨
其姑蘇諸山映帶之君爲樓其間扁曰海天烟林
雪浪日接几席又二十年以卒配金氏弋陽縣諭式
周之妹有賢德行以君胤嗣未繁爲納側室陳氏以
恩禮接遇之有美嬌之風焉君與孺人生卒皆同年
自景泰壬申抵正德丙子得年六十有五東娶俞氏
例受醫學正科未卽真孫三娶某君少力學英邁出

一時坎壈至衰老不遇知賞翬然拂衣將放歌山水間以適其性爲高養與鍾鳴漏盡不知休息者異矣且其溫恭靖嘉居鄉閭以朴素廉介稱而遇宗黨中類周贍不遺出處不苟且與時存沒不違其常古君子之人也是爲表之

書

又與文徵仲書

寅與文先生徵仲交三十年其始也邛而儒衣先太僕愛寅之俊雅謂必有成每每良燕必呼共之爾後

太僕奄謝徵仲與寅同在场屋遭鄉御史之謗徵仲
周旋其間寅得領解比至京師朋友有相忌名盛者
排而陷之人不敢出一氣指目其非徵仲笑而斥之
家弟與寅異炊者久矣寅視徵仲之自處家也今爲
良兄弟人不可得而間寅每以口過忤貴介每以好
飲遭鳩罰每以聲色花鳥觸罪矣徵仲遇貴介也飲
酒也聲色也花鳥也泊乎其無心而有斷在其中雖
萬變於前而有不可動者昔項橐七歲而爲孔子師
顏路長孔子十歲寅長徵仲十閱月願例孔子以徵

仲爲師非詞伏也蓋心伏也詩與画寅得與徵仲爭
衡至其學行寅將捧面而走矣寅師徵仲惟求一隅
共坐以銷鎔其查滓之心耳非徼徼以爲異也雖然
亦使後生小子欽仰前輩之規矩丰度徵仲不可辭
也

疏文

治平禪寺化造竹亭疏

竊聞調御丈夫身無利而不現歲寒君子心體寂而
長虛孰云艸木之無知皆是龍神之擁護茲者治平

禪寺構基南渡勝槩東吳聖凡同所皈依湖上鍾其
秀麗莊嚴佛土孰云寸艸不生回向塵勞便是六根
清淨是以秀崑和尚擊節而悟空清平禪師指竿而
說法意欲前輩僉發中情謀建竹亭翼輔蘭若清波
池水足詠檀樂土地伽藍冥空鑒證撰茲尺牘用告
大方開三徑以招賢看筍根之稚子種十箇以醫俗
延林下之清風幸捨餘貲共成勝事謹疏

啟

送廖通府帳詞啟

代

唐介公集卷之十一
竊以星分牛斗姑蘇彈壓江東職列賓僚糧餉總司
判左委付爲 朝廷之重寄疆域寔天地之奧區妙
選賢才方爲注授蓋出祖宗之成憲俾求民物之又
安恭惟汝南廖大人先生世德之英華名門之領袖
白雲駐集元豐推正字之博文世綵名堂紹聖仰中
承之盛事鳳毛異彩麟趾多仁發跡賢科啓萬里青
雲之路超登仕版開一方赤子之天學則爲四庫之
宗師政則爲多方之矜式冰清蘄苦律身之道有常
鏡定衡平宰物之權無爽歲輸三百萬事集而民力

不勞考最第一人銓擬而衆心皆服三年報政將獻
績於虞廷千里戒裝聽歌駒於祖道某忝同僚案猥
攝篆於應宿之司久浹音輝感贈言於各天之別偕
謀同事共舉離尊詠秋水之芙蓉輒成短調攀閭門
之楊柳佇看高遷朝陽而鳳皇鳴應召公之雅什海
運而鵬鵬徙符莊子之真經詞曰蓮花幕府滯仙才
梓葉秋風謁帝臺七縣蒼生攀四馬一輪明月上三
台○雞唱發別尊開佳名先自動春雷調和鼎鼐梅
鹽味專待蒼龍大手來

右調鷓鴣天

贊

鍾馗贊

烈士骨不可屈烈士精久乃靈
瞋爾目階可觸正爾心邪可擒
欽爾風望爾容魑魅罔兩咸潛
踪千秋之下真英雄

達摩贊

這箇和尚叫做達摩一語不投機
九年面壁坐人道是觀世音化身
我道他無事討事做

題竹堂寺壁

又贊

兩隻凸眼一臉落腮有些認得想不起來噫是踏蘆
江上客一花五葉至今開

釋迦如來贊

西方有大聖人不言而自信不治而不亂巍巍乎獨
出三界之外名之爲佛

友人贊

大耋之年大隱之侶雞豚腰臘裘葛寒暑詩書雍雍
子孫楚楚與彼同歸吾其與女

伯虎自贊

我問你是誰你原來是我我本不認你你却要認我
噫我少不得你你却少得我你我百年後有你沒了
我

第十二尊半渡波山船迦犀船尊者贊

大坐斜身兩手相隨偏欹如排山之勢左

右同

戒月含霜性海空七聖貲財施不窮海爲醉酪地爲
金

唐伯虎先生外編續刻卷之十一

吳趨唐 寅伯虎著

同郡何大成君立輯

疏

姑蘇寒山寺化鐘疏

木鐸循於道路周官所以警其頑愚銅鐘司其晨昏
釋氏所以覺夫靈性解魔王之戰鬪上振天宮緩衆
生之悲酸下聞地獄所以提婆尊者現神通而外道
無言本寂禪師悟真筌而古德讚頌實名法器厥號

大音本寺額號寒山建始殿宇麤備銅鐘未成
月落烏啼負張繼楓橋之句雷霆鼓擊愧李白化城
之銘今將鼓洪爐以液精金範土泥而鑄大樂舉茲
盛事用扣高賢增北山門惟祈樂施啟千門之曉潛
蟄皆興夙萬戶之昏魚龍盡息莊嚴佛土利益人天
慧日增明福田不薄以茲疏告仰冀垂明偈曰
姑蘇城外古禪房擬鑄銅鐘告四方試看脫胎成器
後一聲敲下滿天霜

戊寅八月十四夜夢草制其中一聯云

入開泰運咸集璫管之文章民復古風大振金陵之

王氣

題畫竹三聯

寒雨落空翠涼蟾疎影青


新梢只帶粉繁影脆抽心

新秋影認明月落高人欹枕宿醒醒

題周東邨畫

愛聽流泉沁詩骨步臨幽境解塵襟

唐伯虎墨銘



唐伯虎先生外編續刻卷之十二

吳趨何大成君立輯

戊午鄉試題名錄

弘治十一年應天府鄉試

考試官

奉直大夫司經局洗馬梁儲

叔厚廣東順德縣人
戊戌進士

翰林院侍

讀劉機

世衡順天府大興縣人
戊戌進士

第壹場

四書

古之欲明明德 脩身爲本 禮之用 小大由之
然而無有乎爾 無有乎爾

易

乾元亨利貞

刊

九二大車 往无咎

是故易有大極

著龜

刊

百官以治萬民以察

書

禹曰都帝慎

帝曰兪

刊

涇屬渭汭

澧水攸同

自殷王中宗

四人迪哲

刊

弊明乎刑帝

享在下

詩

求之不得 輾轉反側 信彼南山 南東其畝

何求爲我以戾庶正刊 有客有客 降福孔夷刊

春秋

盟蔑 盟宿 祭伯來元隱

遷夷儀 城邢元僖 城楚丘二僖 侵伐次陘 完盟召陵四僖

盟洮乞盟八僖 會厥慙一昭十 會黃父昭二十五

禮記

毋不敬 而能遷 天子乃教於田獵 四方刊

夫樂者先王 飾喜也 仁有三 畏罪者強仁刊

第貳場

論

聖人所以作經之意

詔誥表

内科一道

擬漢令二千石察其官屬及郡國被災疫者毋出

今年租詔

元康二年

擬唐以涼州都督李大亮爲西北道安撫大使誥

貞觀

四年

擬宋尚書度支員外郎勾當三班院曾鞏謝賜唐

六典表

元豐三年

判語

五條

官負襲廕

人戶以籍爲定

致祭祀典神祇

屏去人服食

修理倉庫

第叁場

策

五道

第一問

三王優勝國而多因其政
聖祖優勝國而盡革其政

第二問

三代君臣相與誠忠
漢唐宋有所不及

第三問

漢唐宋變亂成法有害
今日持守變通何主

第四問

天地陰陽造化之理

第五問

治兵馭將以備邊

中式舉人一百三十五名

一名唐寅

蘇州府學附學生詩

二名陸山

長洲縣學易

三名孫溥

池州府學書

四名李汎

徽州府學春秋

五名杜瀾

淮安府學禮記

六名盛儀

江都縣學易

七名吳巒

宿松縣學詩

八名朱睿

無錫縣學詩

九名李璞

龍江右衛籍儒士易

十名趙榮顯

京衛武學書

十一名陸景先

松江府學增廣生詩

十二名曹憲

松江府學書

十三名孫鶚

上海縣學
增廣生詩

十四名楊果

興化縣學
生易

十五名方學

無錫縣學
生詩

十六名周朗弼

吳縣學
生書

十七名姚隆

應天府學
生詩

十八名杭東

崑山縣學
增廣生易

十九名張憲

鳳陽府學
生詩

二十名唐澤

徽州府學
生春秋

二十一曹鏗

句容縣學
生詩

二十二名陳鏞

泰興縣學
生易

二十三名姜岐

松江府學
增廣生詩

二十四名朱璽

寶應縣
儒士書

二十五名黃岳

浙江嘉善縣人
監生詩

二十六名劉楷

京衛武學
生禮記

二十七名王錫

常熟縣學
生詩

二十八名李淳

安慶府學
生易

二十九名馬玉

泗州學
生詩

三十名蘇邀

句容縣學
生書

三十一名宋大章 太湖縣學 詩

三十二名陳猷 丹陽縣學 書

三十三名張貴 崑山縣學 詩

三十四名童仁 安慶府學 易

三十五名沈炤 嘉定縣學 詩

三十六名李時 鎮江府學 書

三十七名程相 祁門縣學 增廣生春秋

三十八名王奎 常州府學 詩

三十九名吳建 長洲縣學 增廣生書

四十名左暹 涇縣監生 詩

四十一名徐璋 崑山縣學 增廣生易

四十二名桂鏊 池州府學 詩

四十三名王本 江寧縣學 籍儒士書

四十四名張鎧 九江衛官 籍監生 詩

四十五名胡楷 望江縣學 書

四十六名唐憲 常熟縣學 附學生 詩

四十七名陳榮 嘉定縣學 易

四十八名王俸 長洲縣學 附學生 詩

四十九名牛璠

淮安府學生禮記

五十名錢祭

桐城縣學詩

五十一名段善

寧國縣學書

五十二名陳鯤

吳縣學易

五十三名姚維寶

江陰縣學附學生詩

五十四名王栻

金壇縣學書

五十五名錢貴

長洲縣學易

五十六名黃鎧

蘇州府學增廣生詩

五十七名高贊

江陰縣學增廣生書

五十八名李時

休寧縣學春秋

五十九名石雲

江都縣學詩

六十名龔坤

崑山縣學增廣生書

六十一名張躋德

旌德縣學詩

六十二名張堯輔

靈壁縣學易

六十三名董珪

涇縣學詩

六十四名曹英

無錫縣學附學生書

六十五名王芳

五河縣學詩

六十六名顏翀

丹陽縣學易

六十七名徐昇

蘇州府學
增廣生 詩

六十八名周鵠

華亭縣學
增廣生 書

六十九名方鳳

崑山縣學
增廣生 易

七十名李懋

鎮江府學
增廣生 禮記

七十一名朱疊

寶應縣學
附學生 書

七十二名潘敬

舒城縣學
生 詩

七十三名胡偉

合山縣學
生 書

七十四名章諍

太湖縣學
生 詩

七十五名唐恩

嘉定縣學
增廣生 易

七十六名王傑

天長縣學
生 詩

七十七名程文

婺源縣人
監生 書

七十八名張桓

儀真縣學
生 易

七十九名蕭恭

江西吉水縣人
監生 詩

八十名汪濟民

婺源縣學
增廣生 春秋

八十一名王恩

宜興縣學
附學生 詩

八十二名尤樾

長洲縣學
生 易

八十三名顧欽

應天府學
生 書

八十四名張暉

無錫縣學
增廣生 詩

八十五名史良佐

太醫院
醫學生

八十六名陸應祚

銅陵縣學
生

八十七名潘珍

婺源縣學
附學生

八十八名顧蘭

長洲縣學
增廣生

八十九名宋貴

如皋縣學
生

九十名陸應龍

長洲縣學
監生

九十一名張珠

婺源縣學
增廣生

九十二名顧瑛

太倉州學
監生

九十三名許顯

江寧縣學
儒士

九十四名呂祚

常熟縣學
生

九十五名沈謙

蘇州府學
生

九十六名胡忠

宜興縣學
附學生

九十七名張維

松江府學
生

九十八名周坤

常熟縣學
生

九十九名蘇顯

湖廣桃源縣學
監生

一百名晁景諒

福建莆田縣學
監生

百一名楊本

江都縣學
生

百二名朱洪

蕭縣學
生

百三名謝溥

生徽州府學春秋

百四名曹鼎

生建德縣學詩

百五名沙鵬

生楊州府學易

百六名張聰

生和州學詩

百七名蔡儒

生鳳陽府學書

百八名凌雲

生上海縣人詩

百九名華綸

生應天府學易

百十名張萱

生松江府學詩

百十一名易蓁

生錦衣衛軍籍書

百十二名羅仁

生江西豐城縣人詩

百十三名步槐

生廣德州學禮記

百十四名邵道宗

生太平縣學詩

百十五名吳棠

生無錫縣學書

百十六名鄭溥

生徽州府學詩

百十七名景暘

生應天府學易

百十八名湯峻

生武進縣學詩

百十九名陳伯魁

生湖廣攸縣人書

百二十名陶成

生常熟縣學詩

百十一名董銀

涇縣學
增廣生

百十二名張鈞

南陵縣學
詩

百十三名江賢

徽州府學
春秋

百十四名劉乾

靖江縣學
詩

百十五名沈鰲

嘉定縣人
監生

百十六名蔣朝用

六安州學
書

百十七名金鏡

應天府學
詩

百十八名孔彪

廬州府學
書

百十九名胡兆

江西龍泉縣人
監生

百二十名陳綸

應天府學
易

百二十一名陳輔

松江府學
詩

百二十二名楊輔

邳州學
書

百二十三名李時修

福建南平縣人
監生

百二十四名嚴敬

浙江餘姚縣人
監生

百二十五名陸鍾

長洲縣學
書